

- Belgica cesareis cessit fortuna tropheis:
 45 Exuvias, arma, thesauros, menia, castra,
 Tradunt Augusto, nil subtraxere triumpho.
 Exultat Roma, fit cesaris aucta corona.
 Hoc circa tempus humana Deus miseratus,
 Virginis æternę decrevit filius esse.
 50 Mittitur a summo, laturus gaudia mundo,
 Audivitque pia Gabrielis ab ore Maria:
 'Salve regina regem paritura Maria!
 Ex te nascetur, per quem mundus renovetur'.
 Verbo concepit, Salvatorem generavit,
 55 Fitque caro verbum, sed quod fuit id manet ipsum.
 Virgine virgo satus, jacet in presepe locatus.
 Dant cęli vigilem, partum qui pandat herilem.
 Pastores propere currunt audita videre.
 Mysterium trinum sunt munera terna magorum:
 60 Aurum, thus, myrra, regnum, deitas, caro passa.
 Hostia fit mundo, pro quo datur hostia templo.
 Ab blue Jordanis, quo te tangente bearis.
 Exclamat Christus, pro nobis in cruce fixus:
 'Qui deus existo, cur ligno torqueor isto?
 65 Sed patior', dicit, 'quia me compassio vicit'.
 Unguentum fertis mulieres, atque refertis.
 Vivit enim carne, cuius flagrat amor.
 Jam tua, Messya, redeunt paschalia festa,
 Nobilis illa dies, in qua de morte resurges.
 70 Redde fidem rerum, per temet pollicitarum:
 Cęlos ascende, promissa tuis bona mitte.
 Pneumate sanctifica, karismate pectora firma.
 A Petro Treveris, ut tradit fama fidelis,
 Mittuntur terni jacturi semina verbi,
 75 Scilicet Eucharius, Valerius, atque Maternus.
 Ibant gaudentes, sed mors facit esse dolentes.
 Maternus moritur, deplangitur et sepelitur.
 Tunc rediere duo, rem tristem pandere Petro.
 Indoluit Petrus, fit eo suadente regressus.
 80 Cum virga Petri remeant qua tumba Materni;
 Fit fidei lucrum, tangit cum virga sepulchrum.
 Miratur populus, surgit de morte sepultus.
 Penitet infernum, sibi nil debere Maternum.
 Quinque quaterdenis Treveri post prefuit annis,
 85 Cujus menbra specus tot clauserat ante diebus.

C

Res in Haffligensi gesta est cenobio. Cum adhuc esset novella ipsius cenobii plantatio, et industria cujusdam Gerhardi qui de latrone monachus factus erat, septem vel paulo plus